



Tiada peruntukan tambahan dalam belanja mengurus, kata Menteri Kewangan

PETIKAN AKHBAR | 21 JULAI 2020



KUALA LUMPUR, 21 Julai – Tiada peruntukan tambahan dalam belanja mengurus berikutan pertambahan kementerian di bawah kerajaan Perikatan Nasional, kata Menteri Kewangan Tengku Datuk Seri Zafrul Tengku Aziz.

Berdasarkan penyusunan semula fungsi kementerian di bawah pentadbiran Perdana Menteri Tan Sri Muhyiddin Yassin, Tengku Zafrul berkata terdapat tiga kementerian baharu yang diwujudkan iaitu Kementerian Perpaduan Negara, Kementerian Alam Sekitar dan Air dan Kementerian Pengajian Tinggi.

Tiga kementerian lain yang telah distruktur semula adalah Kementerian Tenaga dan Sumber Asli, Kementerian Sains, Teknologi dan Inovasi serta Kementerian Pendidikan manakala satu kementerian telah dihapuskan iaitu Kementerian Hal Ehwal Ekonomi.

"Walaupun terdapat kementerian baharu yang diwujudkan serta bilangan menteri dan timbalan menteri bertambah, namun tiada peruntukan tambahan yang terlibat memandangkan keperluan perbelanjaan untuk kementerian baharu telah diagihkan ataupun diperuntukkan semula.

"Bagi pertambahan menteri dan timbalan menteri terutamanya di Jabatan Perdana Menteri, perbelanjaan yang terlibat akan menggunakan peruntukan semasa kementerian terlebih dahulu dan selebihnya daripada penjimatan," katanya ketika menjawab soalan tambahan Datuk Amiruddin Hamzah (Bebas-Kubang Pasu) di Persidangan Dewan Rakyat hari ini.



[Bernama](#)

 [Siaran Media](#)

 [Koleksi Ucapan](#)

 [Petikan Akhbar](#)

 [Foto](#)

 [Video](#)

 [Pengumuman](#)

POPULAR TAGS

- [BERNAMA](#)
- [HARGA MINYAK](#)
- [PRICE OF PETROLEUM](#)
- [TENGKU ZAFRUL](#)
- [BANTUAN PRIHATIN NASIONAL](#)
- [KWSP](#)
- [I-SINAR](#)
- [SINAR HARIAN](#)
- [JELAJAH BELANJAWAN 2021](#)
- [PRIHATIN MOF](#)
- [PERMAI](#)
- [BERITA HARIAN](#)